

Y Cyfarfod Llawn

Dyddiad y cyfarfod:
Dydd Mawrth, 19 Tachwedd 2013

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda

(163)v5

1 Cwestiynau i'r Prif Weinidog (45 munud)

Bydd y Llywydd yn galw ar Arweinwyr y Pleidiau i ofyn cwestiynau heb rybudd i'r Prif Weinidog ar ôl Cwestiwn 2.

Gweld y cwestiynau

Cwestiwn Brys

Angela Burns (Gorllewin Caerfyrddin a De Sir Benfro): A wnaiff y Gweinidog ddatganiad am ei adolygiad o gyllid Addysg Uwch?

2 Datganiad a Chyhoeddiad Busnes (30 munud)

[Datganiad a Chyhoeddiad Busnes](#)

3 Datganiad gan y Gweinidog Tai ac Adfywio: Cyflwyno'r Bil Tai (Cymru) (60 munud)

4 Datganiad gan Weinidog yr Economi, Gwyddoniaeth a Thrafnidiaeth: Y wybodaeth ddiweddaraf am Ddinas-ranbarthau (30 munud)

5 Gorchymyn Deddf Awdurdod Datblygu Cymru 1975 (Diwygio) (Cymru) 2013 (15 munud)

NDM5355 Lesley Griffiths (Wrecsam)

Cynnig bod Cynulliad Cenedlaethol Cymru; yn unol â Rheol Sefydlog 27.5:

Yn cymeradwyo bod y fersiwn drafft o'r Gorchymyn Deddf Awdurdod Datblygu Cymru 1975 (Diwygio) (Cymru) 2013 yn cael ei lunio yn unol â'r fersiwn drafft a osodwyd yn y Swyddfa Gyflwyno ar 22 Hydref 2013.

Dogfennau Ategol

[Gorchymyn Deddf Awdurdod Datblygu Cymru 1975 \(Diwygio\) \(Cymru\) 2013](#)

[Memorandwm Esboniadol](#) (Saesneg yn unig)

[Adroddiad y Pwyllgor Materion Cyfansoddiadol a Deddfwriaethol](#)

[Ymateb Llywodraeth Cymru i Adroddiad y Pwyllgor Materion Cyfansoddiadol a Deddfwriaethol – Gorchymyn Deddf Awdurdod Datblygu Cymru 1975 \(Diwygio\) \(Cymru\) 2013](#)

6 Dadl ar Gyllideb Ddrafft 2014–15 (120 munud)

NDM5356 Lesley Griffiths (Wrecsam)

Cynnig bod Cynulliad Cenedlaethol Cymru, yn unol â Rheol Sefydlog 20.12:

Yn nodi'r Gyllideb Ddrafft ar gyfer y flwyddyn ariannol 2014–2015 a osodwyd yn y Swyddfa Gyflwyno gan y Gweinidog Cyllid ar 8 Hydref 2013.

Mae Cynigion Cyllideb Ddrafft 2014–15 ar gael ar y ddolen ganlynol:

<http://www.assemblywales.org/cy/bus-home/bus-business-fourth-assembly-laid-docs.htm?act=dis&id=250809&ds=10/2013>

Cyflwynwyd y gwelliannau a ganlyn:

Gwelliant 1 – William Graham (Dwyrain De Cymru)

Dileu'r cyfan a rhoi yn ei le:

Cynnig bod Cynulliad Cenedlaethol Cymru

1. Yn cydnabod y buddsoddiad ychwanegol a wnaethpwyd yn y gyllideb ddrafft i'r gwasanaeth iechyd yn sgîl y pwysau a roddwyd gan y Ceidwadwyr Cymreig; a
2. Yn galw ar Lywodraeth Cymru i ailddrafftio ei Chyllideb Ddrafft ar gyfer 2014–15 fel ei bod:

a) yn diogelu'r gyllideb iechyd mewn termau real ac yn mynd i'r afael â'r pwysau ariannol eithriadol sy'n wynebu byrddau iechyd lleol yng Nghymru;

- b) yn bodloni anghenion busnesau ledled Cymru, er budd economi Cymru;
- c) yn mynd i'r afael â'r heriau cyllido sy'n wynebu colegau Addysg Bellach, er mwyn iddynt allu darparu amrywiaeth lawn o sgiliau a chysiau galwedigaethol i ddysgwyr yng Nghymru.

Gwelliant 2 – Elin Jones (Ceredigion)

Ychwanegu pwyntiau newydd ar ddiwedd y cynnig:

Yn nodi'r cytundeb pwysig a gyflawnwyd gan Blaid Cymru a Democratiaid Rhyddfrydol Cymru i sicrhau:

- a) Cronfa Gofal Canolraddol i leihau'r pwysau ar adrannau damweiniau ac achosion brys ac i ddarparu gofal yn nes at adref;
- b) bod y Grant Amddifadedd Disgyblion yn cael ei ddyblu;
- c) tri robot Da Vinci modern a fydd yn darparu gweithdrefnau llawfeddygol llai mewnwthiol;
- d) cronfa technoleg iechyd a thelefeddygaeth i roi Cymru ar flaen y gad ym maes technoleg feddygol;
- e) bod y Rhaglen Cefnogi Pobl yn cael ei diogelu; ac

Yn nodi ymhellach yr effaith gadarnhaol y bydd buddsoddiadau o'r fath yn ei chael ar gymunedau ledled y wlad a'r gwelliannau mewn gwasanaethau cymunedol a fydd yn dilyn hynny.

Cefnogwyd gan:

Aled Roberts (Gogledd Cymru)

Gwelliant 3 – Aled Roberts (Gogledd Cymru)

Rhoi pwynt newydd ar ddiwedd y cynnig:

Yn croesawu'r gweithredu ar y cyd rhwng Democratiaid Rhyddfrydol Cymru a Phlaid Cymru, a sicrhodd y canlynol yn y Gyllideb Ddrafft:

- a) £35 miliwn ychwanegol i ddyblu'r cyllid ar gyfer y Grant Amddifadedd Disgyblion er mwyn helpu i dorri'r cysylltiad rhwng tlodi a thangyflawni addysgol;
- b) Cronfa Gofal Canolraddol gwerth £50 miliwn i gefnogi byw'n annibynnol ac i leihau'r pwysau ar y system gofal mewn argyfwng;
- c) buddsoddiad ychwanegol o £9.5 miliwn yn y Gronfa Technoleg Iechyd er mwyn cynyddu buddsoddiad mewn telefeddygaeth; a

d) Pecyn Cefnogi Pobl gwerth £5.5 miliwn i helpu i fynd i'r afael â digartrefedd.

Cefnogwyd gan:

Elin Jones (Ceredigion)

Dogfen Ategol

[Gyllideb Ddrafft ar gyfer y flwyddyn ariannol 2014–2015](#)

[Adroddiad ar Waith Craffu'r Pwyllgor Cyllid ar Gyllideb Ddrafft Llywodraeth Cymru ar gyfer 2014–15](#)

Papur Ymchwil: [Cynigion ynghylch y Gyllideb Ddrafft 2014–15 \(Hydref 2013\)](#)– Y Gwasanaeth Ymchwil

7 Dadl ar Adroddiad Blynyddol Comisiynydd Plant Cymru 2012–13 (60 munud)

NDM5357 Lesley Griffiths (Wrecsam)

Cynnig bod Cynulliad Cenedlaethol Cymru:

Yn nodi Adroddiad Blynyddol Comisiynydd Plant Cymru 2012–13.

Gellir gweld Adroddiad Blynyddol Comisiynydd Plant Cymru ar gyfer 2012–13 drwy ddilyn y linc a ganlyn:

<http://www.childcomwales.org.uk/uploads/publications/400.pdf>

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Rhoi pwynt newydd ar ddiwedd y cynnig:

Yn cydnabod y pryder a godwyd gan Gomisiynydd Plant Cymru ynghylch difrifoldeb trefniadau diogelu annigonol.

Gwelliant 2 – Aled Roberts (Gogledd Cymru)

Rhoi pwynt newydd ar ddiwedd y cynnig:

Yn gresynu wrth ganfyddiad yn yr adroddiad bod lleisiau plant a phobl ifanc yn aml yn cael eu hanwybyddu'n llwyr ac yn galw ar Lywodraeth Cymru i ddangos arweinyddiaeth gadarnach o ran mynediad at eiriolaeth broffesiynol annibynnol.

Gwelliant 3 – Aled Roberts (Gogledd Cymru)

Rhoi pwynt newydd ar ddiwedd y cynnig:

Yn gresynu wrth benderfyniad Llywodraeth Cymru i beidio â chyflwyno Bil Plant a Phobl Ifanc (Cymru) er ei hymrwymiad yn natganiad deddfwriaethol 2011, ac yn galw ar Lywodraeth Cymru i wyrddroi'r penderfyniad hwn a chyflwyno deddfwriaeth i gryfhau hawliau plant a phobl ifanc ac i ddiwygio'r sail statudol dros swyddfa'r Comisiynydd Plant.

Gwelliant 4 – Aled Roberts (Gogledd Cymru)

Rhoi pwynt newydd ar ddiwedd y cynnig:

Yn galw ar Lywodraeth Cymru i gyflwyno ymateb i Adroddiad Blynyddol Comisiynydd Plant Cymru cyn ddadl flynyddol arno.

Cyfnod Pleidleisio

Cynhelir Cyfarfod Llawn nesaf y Cynulliad am 13:30, Dydd Mercher, 20 Tachwedd 2013